

INUIT ATAQATIGIIT

Inatsisartuni



12. september 2019

Inatsisartut suleriaasianni § 37 naapertorlugu matumuuna Naalackersuisunut imaattumik apeqquteqaateqarpunga.

Naalackersuisunut apeqqutit:

- 1. 2018-mi apeqquteqaatiga, 181/2018-mik normulerneqarsimasumi akissutigineqartoq naapertorlugu Issittumi Sakkutooqarfiup tingerlaataannarsortunik nakkutillilernissaat annertusineqarpa?**
 - a. Aappiuppat taava qanoq annertusineqarpa?**
 - b. Naamiuppat sumik tamanna peqquteqarpa?**
- 2. Akissuteqaammi neriorsuutigineqartoq, tassalu ilanngaaserisut simasanik amerlineqarnissaat tamanna piviusunngortinneqarpa?**
- 3. Tingerlaataannallit nunatta imartaata qimannginnerani nakkutigineqarnerat aallunneqarnerulerpa?**
 - a. Aappiuppat tamanna qanoq ingerlanneqarpa?**
 - b. Naamiuppat sumik tamanna tunngaveqarpa aamma tamanna pillugu Naalackersuisut qanoq pilersaaruteqarpat?**
- 4. Ilanngaaserisut sisamat atorfinitsinneqarnerat nunatta karsianut qanoq naleqarpa?**
- 5. Naalackersuisut tassunga tunngasumik allanik nalunaarutissaqarpat?**

(Inatsisartunut Ilaasortat Peter Olsen, Inuit Ataqatigiit)

Tunngavilersuut:

Ukiuni kingullerni nunatta avataaniit tingerlaataannarsorlutit nunatsinnut tikittartut takussaagaluttuinnarput.

Alutornarpoq aamma nuannerpoq angalasunit tamakkuninnga nunarput aamma soqutigineqarluarmat.

Taamakkaluartoq innuttaasut akornannit alutorineqaannaratik, nunatsinni sunersut sulerinersullu aamma paaserusunneqartalerpoq apeqquserneqartalerlutillu.

Inuit ilaat kiisa eqqoriaasalersimapput; Kissaviarsuinngooruna manniinik anngiortumik nunatsinnit annissuisut. Inuit ilaat oqaluttut; Ujaqqanik erlinnartunik pinnersaasiassanillu anngiortumik nunatsinniit annissuinerarlugit. Inuit ilaat oqaluttut; Takornarissaninngooruna angallasiartorlutik sullissiartorlutik nunatsinnukartartut.

Tamanna pillugu, uangattaaq tingerlaataannarsorlutik nunatsinnut tikittartut sulerisarnersut susarnersullu paasisaqarfigerusulerpara. Tamanna pillugu Naalackersuisunut apeqquteqaat imaattoq ingerlateqqippara.

Qinnutigissavara apeqquteqaatima ullut suliffiusut qulit iluanni akineqarumaartut.